

譚

墟

堂

摘

稿

鐸墟堂稿卷之十四

明光祿大夫太子太傅工部尚書豐城古和雷禮著
碑誌一

孫忠烈祠碑

贈禮部尚書謚忠烈孫公諱燧事我

明為都察院右副都御史巡撫江西值正德己卯寧庶
公宸濠以國反死之至今雖小夫婦人皆知公之
為烈也夫任天下事易死天下事難死天下事易
成天下事難初公愛

命江西時途濠包禍巴父善匿情市交以希寵取威而
籍制人口既再得護衛不可盈厭百姓脂膏浚削
無遺輦珍寶結禁近以為奧援又連各洞寨逋賊
縱其流刦忽然于時鎮巡藩臬以正自將者皆許
凌轢必欲致之極地故士多毀節脫禍公然旅附
矣公觀變究源謀所以制之於是平均征賦飭戎
備實倉儲撤鹹利諸凡椎剥黎萌者漸次剷削偵
察黨置之法以剪其羽翼惟弋陽橫峯諸窪巖險
人悍及安義新民多群不逞易煽乃請立縣治安

義設通判駐橫峰以彈壓之城進賢城瑞州城南
康扼其要害又奏復饒州兵備并重九江兵備之
權於撫州一路則以分巡兼攝之所以陰折逆謀
悉中機宜不爽

屬江西行日遠權璫畢真稔毒助逆而惡蘖依憑大
蠹不可復制兼以

朝廷懿親不敢擅圖先發累上密疏及自効乞休俱
不報蓋已自分一死報

國廢他矣及逆濠跡露倉皇圖劫諸司為變鎮巡以

下其心黨附隱忍就擒者豈少也獨公面折諫詞
罵不合吻所謂天無二日民無二王數語昭昭乎
揭日月而行中天也何其烈哉然公死矣濠遺逆
黨募兵如窑兵新民一無所得至都御史王守仁
義旗一舉合省士庶爭奮而起不旋踵而大難平
焉非公之謀有以左之邪昔天寶之亂顏杲卿以
節死論者不大其處死謂知祿山必反為之備苟
諸郡並勒兵以從其後賊之不能直窺潼關者以
杲卿撓其勢也方濠操不軌將浮江而下也豈意

心哉非公嚴為之備則旦夕欲發必不遲回於數
年其旣發也號召亡命盤據僉扼勢必滋蔓而欲
奄定旬日之間不亦難乎故嘗反覆公事而觀之
當濬逆未成得公早撫一二年則群姦不附而積
釁可以默奪及濬勢已成使公早奉奏報則一皷
擒之猶拉朽耳生民亦免於益刃也乃事激變生
至與果卿同遊於地下而其心豈但已耶公平生
立志以忠孝自命及撫江西節謝家累慨然就道
所至表章貞節又廣文山祠贊其偉烈識者已覩

公許國之忠矣則其奮然自立能至於此者蓋天性然也故公之能處其死不足以見公之大惟苦心積慮潛制姦謀以成天下事而之死靡悔者天下一人而已夫名德祀於其鄉自古為然今祀公死所曰旌忠知縣丘養浩以餘姚公生地請當道創祠龍泉山麓至紹興知府沈旼以公為一府忠烈之倡又立祠卧龍之東前後基殿楹旣成公姪僉事翥率公孫某屬以言夫公之大節掀揭宇宙固不係於祠之有無蓋郡人慕公之誠非祠無以

致其至也禮忝舊治聞父兄談公之烈甚詳恒以
不及見公為恨旣而見公子指揮使堪中書舍人
墀大司成陞俱忠厚仁孝而其孫又多賢則天之
所以福公者蓋未艾也况濫司風教於公土能不
追公之節以勵來學者哉故摭公行事之大者勒
諸碑繫之以銘銘曰

越山千仞上摩穹玄姚江東注匯為一川侃侃孫
公鍾此間氣弗隨以貞清明剛毅頴頴南土遙宗
構造狼吞虎視橫不可馴谷滿繳曾路填荆棘隱

畜逋逃為民盜孽彼惛昏盜溢稔禍日旣妄窺天意
罪甚淮南公軫杞憂爰拯其溺殲厥殘商以遏奔
徼迺城險要迺峙糗儲于拊于猶靡憚拮据彼狂
公讐賾目以怒公立中流屹如砥柱密封抑聳天
遠難知孤忠自許孰扼其危畏厭妖氛貫盈營斃
露刃刲公樽天稱制公讐天目氣貫烟虹責以大
義首犯逆鋒我頭可斷我節難毀顏舌幸存罵賊
以死英風凜列了無所維用抉我眼觀我全師惟
晏鑒之義旅雲旗丹不待浮鯨奔鯢伏元憝沮翔

自遠夷舟公歸不腐重於泰山惟

帝念功世蔭其子馳贈易名堂廟祀跡龍之麓八邑
具瞻千載竹帛澤流海澨式成厥觀常山與伍如
見羨牆乾坤共古

湖廣右叅議黃方山墓志銘

嗚呼吾友方山黃君古所謂敦行君子也諱福字
子謙其先本休寧秦塘人宋嘉定中有諱可願者
繼黃萬公之後遂姓其村曰黃村云黃村居十三
世未有以儒顯者至君父梅源公始謀君舉子叢

以君貴贈兵部職方司員外郎君嗜學問博嗜籍貫穿其義理遇有得達旦不思寐欲躬踐之以自考鏡嘉靖壬午舉于鄉己丑登進士第除兵部職方司主事歷員外郎進武選司郎中武選往兵部稱劇司主武職陞調襲廩諸典蒙右多恃勢姦國法君堅直廉正間間無所阿避司禮中治鮑姓者其姪乞陞錦衣百戶奉

肯下兵部議君執奏例不當予鮑銜之疾其黨緝事者陰僞君卒無可利而寢錦衣衛職掌

詔獄凡以罪調他衛者雖遇恩例不得復然其人藉城
杜夤緣者往往而是君一切以法裁之終君任無
一人得復者嘉靖十九年考選軍政

帝城多私人往年出幽者群聚而譖因媒蘖之以故卽
中多得罪君精挾徽慝杜請謁終是無敢譖者
祖宗之制非軍功不陞近年多乞陞保陞其弊滋蔓君
率持之不輒撓諸邀將領不得叙轉獲級防其攘
部下功也部下功多者論及其將大都以所部五
百人為率有五級則陞其所部二三百人者猶以

五級為准猾將骯吏每假借為奸如所部三百人
獲三級亦得陞其至四級者又以餘一級得賞蓋
軍功至是冒濫極矣君疏論之人多其能執又軍
職之選視

內黃選簿吏胥緣此為姦以劫選人君立牌書禁於
門許選人罷害者執以白吏胥由此稍歛跡久之
遷福建叅議公論多訐君君歉然若不勝至則宣
布德澤收礦賊賑饑濟以銷民萌及掌司事不入
公堂一錢八閩士民多味歌不絕幾一考擢憲副

以部事詐誤謫判饒州職捕盜益孳孳籌畫不遺
力其提絜政約如預賑濟嚴稽察揀民快倣保甲
禁姦暴私闢賭博偽造諸科俱痛切民隱不半載
擢保定同知視府事值歲水澇賦役日繁遍詢民
間利病條質監司凡十事其定常費均丁糧清地
畝稽四民至今民使之未幾陞浙江僉憲提督水
利行獨復弗休于利害所樹立如平日其開城河
疏湘湖尤多遺惠二十八年己酉陞湖廣右叅議
抵任無何為征苗督餉冒暑出巡於是年六月二

十五日以疽卒於寶慶府行署距生弘治丙辰壽
五十有四娶程氏贈宜人繼任氏封宜人子三長
鉉邑庠生娶曹氏次鏡娶虞氏次鑑女二長適同
邑庠生金則重次許南街金氏孫男二應魁應鳳
君孝友天植以行誼表鄉曲初監司舉小試見梅
源公疾躬侍湯藥不忍赴沒則哀毀骨立槩幾
無以存及太宜人程卒廬居三年未嘗入私室每
宦遊歸徒步謁宗老恂恂如書生然見族叔諱進
與者貧老無子恒指俸周恤之又修譜系以崇敦

睦故宗公於其卒也無不傷悼云卒之明年庚戌
君子鉉將葬君於太闡之陽持狀求銘同年孤山
丁君立峰魏君自山曹君又為道其事甚慕予在
銓部雅聞方山在武選不脂韋骯法務進賢罰不
則抑強冒而恤于丈之士稍心識之及觀中丞楊
次村王大廊叙著則乃摶然矣惜其坎輶於時思
引手援之而未逮也及予起天雄督浙學與君朝
夕未逾月而別詎意未踰歲而竟銘君哉銘曰
世降塵紛貞純日散戕擣爲觸捷於奔驛君豈拙

者類此饕餮明明國法凜不可姦噬嗑腊肉亥遇
之毒禍福與盟我心如烽昭彼正直遂與老屯旣
踣而起復曳其輪是豈朦朧逃不可質考德在茲
百年一日

冰同寇孫子水墓誌銘

公諱世祐字元吉號二水姓孫氏其先西晉有曰
法者自京春徙居豐城同造里歷餘慶生四子曰
景連景運景純景陽景純之裔至公曾祖高節生
祖大成大成生考伯輝伯輝號逸菴贈奉直大夫

刑部員外郎娶賴氏封太宜人公生器宇不凡性
穎敏嗜學逸菴嘗語人曰吾季兒當亢吾宗第吾
老矣恐不及見既嘉靖戊子舉於鄉明年己丑取
進士除行人初

命使江南再使山西所在斤斤秉禮法以振節稱會風
憲缺限年例轉行人司副尋奔逸菴衰哀毀瘠骨
服闋起復陞刑部山東司員外郎訢諭不操一切
務原情比律大司寇唐文襄公雅器重之委司章
奏未幾擢海北兵備僉憲時交南不庭地連海北

廷議征撫大司馬東塘毛公受閩任咨畫於公公
亹亹條析中事機卒之寸鍼不費而遠人稱臣其
功居多壬寅陞雲南叅議奉

勅管黃爾各郡邑舊以紙張工食名色相市為奸公下
令禁革蠲其常輸民咸便之癸卯轉湖廣憲副奉
勅清理軍匠常署臬事值楚世子弑其父官民汹湧以
為事且叵測公鎮之安靖以大義明正其罪境內
帖息不聞譁聲撫按交疏其治狀隨叅貴陽藩政

丁未入覲

聖壽遷湖廣臬使臨大疑獄不輒借假片詞折之了了
如指諸掌即憑豪恣肆者莫不匍匐服階下及陞
雲南右轉中丞退齋林公懇疏乞留

聖天子可之改湖廣右轉尋轉左均賦役平物價井井
各有條則諸所沿知印紙價庫羨敝蠹剔刷幾盡
名籍甚庚戌廷推副都御史撫山東未任復推撫
留圻總督蘇松糧儲以丁賴宜人憂不果行居喪
如禮雲南自癸丑以來土官殺方伯黔府亂宗祧
變故相仍廷議起公巡撫至則燎武經文約黔從

緝捕奸滑內難悉平無敢憑陵骫天子法恒謂教化不敷非所以變夷俗擇土官子弟育膠庠中使之觀法土官舊苦過京襲釐具疏請從近結勘下部兌行為例其他乞增解額修理五華書院及旌異孝子范運吉等事皆有關風教乙卯晉留都少司空滇人依依不忍釋都城年久頽圯又水寇倭夷蠶起公曰是根本之地保障係焉可但乞耶即脩繕完固人心恃以無恐丙辰召為少司寇屆行考終官舍距所生弘治乙丑年五十有二訃聞蒙

賄塋祭如例公性坦夷待僚屬處鄉戚油膾和每從

仁厚即有犯者異辭道之不輒侵訛居家重論理
懼宗法隳紊指俸餘脩宗譜置祠田俾世統勿壞

凡先壠湮逸有侵於他族者必與明其疆界甃石

樹碑以誌不忘使宗人皆知重本所著有便民纂

要得雋稿二水文集等錄若干卷娶北澤甘氏贈

宜人繼載氏卒繼蓀氏燕窯督學憲副公明之孫

女封宜人側室蘇氏生子二長曰貫聘子次女次

同實聘左司諫李暘池女女一許通政萬月洲第

三子貫寧將於某年月日小葬公於某山之原求
銘於予予惟嘉靖壬午之冬同公從學英墟范朝
儀先生之家其族叔行博九者駭呼樓上火發衆
奔救無驗越次夜復見如火發始知為文光之象
隨詢樓上讀書者乃公與予二人也嘆曰此二子
必將大用而公與予亦自負不淺既戊子同舉於
鄉先後取進士同時貳兩京外卿及予晉總內臺
公亦徵召自南方慶聚首有期而忽奄棄可勝痛
哉謹掇公行事之大者而誌之銘曰孫氏奕奕代

有令人公挺奇質抱穀懷珍弗洒于俗先覺是遵
早步政武終陟中丞湏南戴德藹若陽春爰貳終
省望協輿論天胡不弔奪我憲臣如木披根如車
折輪感今懷昔義重丘壘盛羨難述末竟負珉

少司寇王榮谷墓誌銘

公姓王諱大用字時行號榮谷其先楊之真州人
高祖添興

國初以尺籍隸興化衛始為興化人曾祖保生崇善
崇善生源是為公之祖父也俱以公貴贈都察院

右副都御史祖母顧氏母陳氏俱贈淑人初陳母
感異夢生公占為國器遂命以今名甫卒父沒家
寢狹惡食不贍賴母陳力難為存孤計公在幼壯
已不凡攻學有守心弱冠補郡弟子員試輒前列
羅節推鳳聘為子師砥節槩不問戶外事弘治甲
子領鄉薦乙丑上春官弗第翫遊雲霞間感激慷慨
岸然有大志正德戊辰舉進士授工部水司
主事督造漕船兼理臨清閩座振弊扼私號為清
嚴庚午劇賊劉六等嘯聚破濟寧直隸清源時分

署在城外公留擊為民先乃拔其壯勇若而入躬
督率之據險迎敵會兵備道出兵應援賊乃解去
墟市賴以無虞壬申考最改刑部浙江司主事尋
轉貴州司署員外郎剖割不滯癸酉疏病歸饒居
市糴蕭然故寒士乙亥病痊補原職丙子擢廣東
僉憲兵備清遠其地山岨積為盜區兵之輒弗利
豢且百年公揀士卒嚴賞罰威稜凜然樂昌高快
馬僞稱天王流刦湖南郴永等州

上命合兵討之公出奇擣巢穴獲功一千四百有奇

欽賞俸一級宜章民與樂昌黃圃民相讐格湖帥以為
劇盜議殲之翁持不可令黃圃民擒首禍者來獻
餘悉不問民感更生立祠祀焉清遠徭盜勢張甚
上復命討之即騰檄濟師渡潖江拔其坑并菜塘西坑
癩利諸寨相繼盪平戮賊曹梁宋寬等一千有奇
又移池水攻黃籐坑黃華洞後山十八山諸處戮
賊首唐鎮山偽都督楊旺等二千有奇復陞俸一
級新會白水與新興海州等洞相煽出沒以屠掠
長子孫矣公躬按邑治密授方畧令里胥父老各

捕所知甫三月獲賊一千四百有奇已卯聞江西
宸濠及即勒兵冒暑兼程至則濠已就擒人多其
義順德增城香山谷沿海諸村晝農夜盜不可詰
按公今自別所業長正互覺舉游手暴橫者即繩
之後搜獲真盜三千二百有奇屬界肅然備兵五
載征戰無虛日善出奇用俘健所向輒靡督府蕭
公翀疏公處官如家以民為已不用一旅斗糧剝
功七千以上且逆藩應變略無回顧之心不獨賢
能出衆忠勇尤有過人人以為實錄云辛巳從民

望陞本司副使照舊兵備嗣後征白水黎蠻及賓
西高涼洞夷獠以功上

欽賞銀十兩甲申陞江西左叅政分守湖東道兵燹之
餘一切鎮以簡靜乙酉部糧而南槧不持一杷人
或銜之是歲考察言官承風論公治盜大酷吏部
不得已議調貴州右叅政值軍旅繁興大木使命
旁午公擘畫供億無譁聲且暇課諸生明理學以
變夷俗未幾推廣東右布政轉廣西左贛尋普應
天府尹繼陞都察院右副都御史巡撫順天道政

巡撫大同贊理軍務時兵饑乾耗悍卒數戕害主
將拜撫者多難之公毅然獨往尚教化禁淫酗汰
浮冗課墾耕嚴開中以通商鹽營堡落以備哨望
剿平強寇劉善巢

欽賞銀十兩綺絲一表裏疏陳備邊四事一議遊擊二
員各分城兵三千萬坐城站不出按伏徒費行糧
罷之便一議奸商糴買糧草展轉侵盜腳價難賠
改令有力軍官領糧糴買貯給一議陽和平虜右
衛既有參將其屬有千總把總管隊等官今又設

三守備占役頗衆兵力益分俱應裁革一議大同
三邊離鎮二百餘里二邊二百三十里頭邊四十
里近者應援可及遠者聲息難知宜移入二邊併
守為便奏下兵部覆題俱報可時巡按御史張祿
與公持禮節尋為給事中奏釐所論乃疏乞休荷
溫旨慰留有盡心軍務以肅朝廷紀綱之褒及再疏乞
休乃改撫順天去之日耆老扳轅泣送留靴繫惠
公至順天歲大饑多方調度奏給糧米數萬斛循
賑濟活軍民甚衆

欽賞綺絲一表裏又脩理邊墻計銀四萬八千餘兩公
念軍方艱食乃以役行賑者銀三萬三千兩兵部
會議防剿事宜公復疏三事一曰重賞罰大要欲
以衝鋒破敵與陣亡者爲上賞斬級者次之追逐
邀擊者又次之二曰酌律例言守備不設被賊入
境失陷城寨者斬今官軍遇賊交鋒則非不備之
兵間有損傷擒擄亦兵家勝敗之常若槩問守備
不設則恐觀望畏避幾可垂而坐失衆欲奮而牽
持非所以作邊將之氣也三曰覈功次夫功次冒

欽定四庫全書

濫非特勢要攘奪而已或妄殺人口或用銀買求

此各邊通弊今後驗功合令同隊同陣職官保結

方准造冊如虛將保結官查照冒襲軍職

欽例罷職揭黃則奸弊可杜

上皆嘉納之壬辰陞右都御史入掌院事張御史挾宿
憾訕尼之奉

旨切責公疏懇辭乃得

俞允會朵顏三衛帶領達虜千餘假稱入貢公督同叅
將周璡蕭陞到關撫諭事從中變即令二叅將拒

敵公乃單騎入城誠兵策應虜即賓道時公欲以
金幣與虜易馬又嘗諭其頭目幹維者令獻黑谷
關外地至太平寨長一百餘里可徑為邊牆以
省關營大半議已定俱未及

請行張御史以此為啓釁結怨復奏奉

旨著致仕公僑寓真州祖貫仰給明農受徒講業太宗
伯霍公韜臺諫錢君徽周君汝昌等連薦有

旨起用久之歸蒼出入惟徒步一青童荷蓋以從甲辰
值大旱晨炊或不能具意豁如也是冬始奉

命巡撫四川道見民饑日食惟蔬素從者至不能堪比
至則出墨吏革舖官舫奏祀廉范崔與二公禁淨
身抑橫積釐茶法定賦役諸所興革務存節愛白
兔不以表

聞遇地震災傷則屢為題奏丙午陞南京刑部右侍郎
候代間白草番率衆攻破平番堡公即具題征剿
委遊擊曹克新督義救應斬首七十餘級兵部給
事中扈未通以失事甚禍論劾兵部題覆回籍聽
勘伏巡撫張公賈徹捷隨亟疏公憲惟存爭節愛

慮實周於邊防變起倉卒亟兵遏絕今茲底定難掩前功奉

旨賞銀二十兩綺絲三表裏待勘明錄用公歸復居真州日以圖史述作為娛晚更好道歲癸丑八月二日疾卒于真距生成化己亥十二月三日享年七十有五諸子貧不克以喪歸賴公卿大夫哀而贈之始獲歸備又不克即於丙辰子邦圻乞

恩于朝特賜祭葬如制豈生無餘財而沒有餘榮者非耶娶李氏封淑人子三人長邦圻李出應饗未得

請娶陳主簿準文次邦均側室張出娶黃僉憲榮
曾文孫繼李次邦垣側室劉出聘鄭郡守弼女文
五人長適陰陽訓術丁淳程馨知府襄之子次適
郡庠生鄭紹戶部主事贊子次適散官柯凌霄狀
元少詹事竹巖公潛曾孫次適宜興國子生昊馭
知縣傳子孫男三長三俞郡庠生娶林知縣禋女
次三命亦郡庠生娶陳廉孝御史傑孫女次三金
尚幼孫女一許陳曾孫男三履端履至履元公幼
喪父失葬處母亦不及封養每祭必涕潛苦心不

為自奉亦不為子孫留財俸入盡散賙其親族同
舍童邑博章沒為之葬且割田以撫其嫠同年鄭
立事瓊同寅左叅政唐皆厚恤其孤而以其女女
焉入官四紀強半在兵間撫丞二十五年僅得終
考履棘投艱喜懼不形於色苟利軍國以身肩之
如荆脩雲中乾樓傳諭小王鈞帖聽伎東關之木
與夫市馬招地之議皆為籌邊遠計獨以派特忤
人以致旋用旋置而無所悶云平生著述甚富所
遺有書經旨略四書道編易經安玩錄及聖學一

貫圖說四方來學甚衆如侍郎陸公杰少卿胡公存按察使黃公行可皆經指受而成者邦圻將抵命歸葬于某山介大叅筆峰王公鳳靈狀公大節求銘于予予辱公知不敢以不文辭銘曰挺彼風稜氣橫秋昊仕不捷趨蕩蕩周道志切民瘼煩冤以涕奉義整師賊巢盡掃屢鎮邊陲西北用保行與俗違惟此纔藜輿論日升心徹蒼鵠起拊三巴如涼斯燠犬羊難馴兵起白草真疏遠征謀非不早警口鑠金終焉歸老一蹶弗興負此忠抱

憲副秦巽齋先生墓誌銘

嗚呼此憲副塗巽齋先生之墓蓋公世所僅見敦
古道者而不可作矣先生諱敬字寅之世居豐城
之甘棠為官族五世祖一夔宋淳祐間任高郵尉
歷上舍子方綏寧尹晦仲登社郎仕謹元湖廣儒
學提舉德輝並以儒起家

國朝高祖立孚以荐舉任南京大理寺評事曾祖豫
章祖佐俱有隱操父瑄號恒菴以詩領成化丁酉
鄉薦任湯溪儒學敎諭以先生貴封山東道監察

御史妣鄒封太孺人先生自幼嗜學勵志不凡從
恒菴宦遊金陵金華其地故多文獻用與秀艾士
切劘於經傳子史悉得其奧旨以歸弘治辛酉以
儒士額鄉薦明年壬戌連第進士辦事兵曹尋以
病乞歸侍親正德改元丙寅起病赴

闕授行乞司行人奉

命使韓府祭葬襄陵壬未幾復使魯府開對安丘鉅野
二王所至饋遺却勿受已擢山東道監察御史
初巡十庫東城并通州倉廩皆內堅憑社及五方

宿猾鼠穴其中先生喜盡錯自別剪剔積蠹殆盡時矜言職者類許徇隱懷事絕人使受誣者慚恧莫白先生獨病之所上封事必持大體審國是徵民情不遂群吠下善裁割臺中有大疑事衆環視候先生至一言即決卒未

武廟上兩宮徽號推恩封恒庵如其官母封太孺人先生感激益竭力圖報會毋憂歸晝夜哀號幾絕蔬素三年足履不入房幃既免喪以恒菴衰暮疏乞終養恒菴輒寢其奏促之就道先生依依不忍

去未幾恒菴捐館哀慟如喪太孺人然獨襄大事
毫髮不及兄弟遇節忌日潛然淚下輒廢寢食辛
已起復補河南道

今上御極奉迎

皇太后駕入宮 欽賞綵段二表裏銀二十兩壬午
勅按廣東風裁截然不以刑罰立威每出巡遍歷瘴鄉
以核吏澤物為已任不憚勤瘁政殷禮膠庠取俊
髦追琢之煥然勃興值嘉靖首科監鄉試規畫視
昔加密所拔皆名士兩決大獄於死中求生不拘

成案盡境內無枉死者又粵民忿犧聖凶狎為盜
嶺東西用兵彌年不撤甲先生遙度如嘗歷厲將
士計殄之無復肅聚為患事聞

欽賞綠段二表裏銀二十兩因計盜賊滋蔓由債帥激
為釁萌列總兵官朱麒不法狀以儆官邪值都指
揮使梁次攄怙輔臣勢寧噬殃民徃撫按監司畏
其排陷不敢發先生曰此而不言則上負

聖主下負生民且衣冠之盜不殄而欲除山海之盜不
亦難乎特疏劾實乞寘之法以謝廣人之怨疏入

其黨街之甲申事竣回道廣人汹汹如失怙恃然
乙酉仁壽宮災疏時政極論變不虛生必有由召
比來元老大臣如蔣冕林俊汪俊等相繼去位羣
臣抗疏如豐熙安磐王時柯等編發氓戍呂柟馬
卿等之降過在可原王相王思等之死情有可憫
張璁之陞乃倖取於捷徑郭柟之諫顧逢擊於道
途俱觸忌不顧又指勲戚奏討莊田害及小民權
門奏准鑑引禍延商賈并錦衣衛復勘冒濫御用
監增收匠役陳林等征抽木植陸宣等請之稅糧

俱尋先朝弊政條為十餘事疏入

上嘉納焉而銜之者益衆先已推陪應天府府丞至是陞廣東按察司副使整飭瓊州等處兵備實遠之也先生亟乞休為當道力沮尋改湖廣荊襄撫民時梁黨方布要璫思所以擠之值丙戌大計京官恐先生素履難消黜謬擣流言誣先生先年有劾大學士謝文正大司馬劉東山疏聽者惑焉遂考開住舉朝寃之無歸杜門郤掃靜坐一室理墳籍致古辯疑不以降冬蠶暮暉急遇有所感發為詩

歌悉忠君愛國語雖衰斬然擇地而蹈對族人如
賓客其族亦化之相宗禮讓居林不數年書刺
未嘗入公庭人亦不敢以私于宦遊茲士者高其
介特或遶道式廬鄉其疏食供歎論古今事至漏
下將盡亹亹忘倦奉白川周公用督虔臺尋過
而訪之見其室陋欲為改創并樹牌坊先生恐勞
民傷財力辭乃止惟重倫理於喪祭悉遵古制遇
朔望即服冠帶謁家廟至老不輟嘗倣古晉義田
若干石以濟貧乏舉族之長而能者司之資續增

廣施竟汨於力之未逮立家規訓子姪嘗曰人生
宦至公卿大都四十年惟立身行道千載不朽世
之人往往以彼易此何耶其檢身類此自被誣後
公論益明大宗伯霍公韜廣人也稱先生巡嶺南
屹振憲紀不忝古名御史且薦之於

朝先後撫按如都御史秦公鉞汪公玄錫張公岳御
史穆公相及科道舉遺佚如都給事中丁公湛等
俱首薦而穆疏云心事如青天白日丁疏云孝友
可符古人識者以為確論平生寡嗜慾精力甚完

暮年燈下能作細楷書至辛亥六月忽殼核終年
正寢詎所生成化乙未七月九日享年七十有七
所著有詩文若干卷歲于家初配城南黃氏封孺
人生一女適城南國子生黃翥繼娶藍溪李氏封
孺人生男一楣補邑庠弟子員娶太宰北原熊公
浹女孫男三長煥聘翰林院編脩文麓李君貴長
女次炌次燁楣於壬子正月初二日奉柩葬于五
十九都勺溪雲峰嶺首艮面坤而碑誌尚缺至是
具狀求銘於予予志學時稍涉世務思景先進以

自鏡聞先生純孝守禮祇身不落塵劫或

國有大喪至以從大夫之後即擇辟寺為位哭朝夕

命子姪贊拜不識者反笑為迂而予獨服之嘆嘆

曰薄俗相沿如此安得大夫皆如先生者表之乎

及督浙學便道展謁相對信宿無支詞側行峻節

雅度至嚴而和始信老成典刑固在也今不獲與

孰繙之末其敢以銘辭耶銘曰仁哉臺憲不遺其

親川含芥拾矧我同人刊夷町畦明辯義利清資

水淵汰滌塵累屹有稜範坐鎮濤風涵情獨遠觀

凝奚工天植古心讒夫側目白璧未輝蠅罪何贖

贈中書舍人西浦郭君墓誌銘

西浦郭君諱桐字奇繹泉州晉江人也先世自光州固始辟地居莆復自莆徙晉江十四都會祖諱慶有隱德能亢其宗祖諱夢吉父諱津津三子君居次甫十二歲祖父見背賴祖母黃掬之奪家務廢舉子業然性警敏達理道崇孝誼洽二祖并叔父坐皆身負土纍石不憚其勞亦遠諱并歲時辰禮務特殺致虔兄質菴早歲竟漳浦督鑿甚勤

節助之迨病歸家嘗剝蝕一切親賓往來等費多
周其不給并將祖父未分遺田數畝鹵田五所語
其弟鉅齋盡以遺之其鉅齋秋鹽國課亦為輸者
十餘年鉅齋年少嘗見侮里人枉諸官時病不能
出君代直之及卒自備棺衾不以累弟婦遇宗族
雍順於義所不可則規之以正論居嘗誨諸子曰
宗族根本所在可繼尋斧焉取傾敗為耶先是宗
值外侮直於官有善仇家者自為睽異諸宗人怒
欲逮以詞君爭之自渠自得罪祖宗吾輩安忍從

其薄其人惕然省改從伯與族人爭地界衆皆平之從伯曰寧讓地與人毋為浦口第所短宗人薰而化焉蓋群然睦也里有不平之爭或求直得君一言即永釋一日里婦亡金於道君獲之守其地俟覓而還小宗有公得想棄里惡少謀奪之中有曰浦口老猶在何可動也其謀遂寢鄉人共蓋神祠推君首事時將撤舊木而新之先一夜夢二神語曰何以庇此人其一神者抱君正坐於榻以水噀其面曰為汝勑身次早評之申識諸役點檢惟

於夢中神所抱坐處遙視忽危墻傾圯諸後頰以
無虞時族人欲延師敎子貧不能具贊君居其半
遇子姪有頴異者尤加挹獎使知奮學晚年見子
立彥等好學即以遠大事業責之偶閑坐立彥與
從兄介論及歲差法述古人成議云虞喜謂五十
年當退一度失之太速何承天謂百年當退一度
失之太遲君即應聲曰七十五年退一度不其可
乎此暗合劉焯之見其天分高迥若此嘉靖丙午
秋八月忽以壽終距所生成化乙未五月初二日

享年七十二歲後以子立彥貴贈中書舍人娶瀛
州王氏生男四長立言娶王氏繼娶青陽王氏次
即立彥見任刑科右給事中娶尤氏次立統府庠
生娶深澗王氏次立表娶李氏繼娶蔡氏女二長
適十五都留侃次適四都王憲厚俱早逝孫男十
三日增縣庠生日陞日至日在言出日疆日諶彥
出日理府庠生日莊日壠統出日埜日表出孫
女十二曾孫男三外孫男四立彥等將以某年某
月某日卜塋于某山之原述翁行誼屬名於予予

自甲午與事鄉試時草榜已定有左轄東洲屠公持一卷令予品校予對云觀其議論切實無浮詞多據所自得必挺直不落塵網及開卷即君子司諫也其家教不有自哉銘曰烏乎善人世弗易得敦敏以和行也罔惑惟天祐之以成其息其成伊何墳闕是職受福則那如釋斯殖垂祉凝祥永貢

幽域

胡謙齋先生墓誌銘

先生諱行恭字民敬其先自金陵徙吉州泰和南

國宋有屯田員外郎諱衍者與黃魯直並名又幾世諱太復徙義禾入

國朝諱子忠生三子伯諱雅永樂丙戌進士未官卒季即先生曾祖諱和和生哲任寶坻訓導哲生爾極爾極娶彭氏生先生甫六月早世先生孤藐家貧剝賴彭長育即刻苦自勵食半半蔬或竟晝絕炊披誦不輟夜必難柴代青燈輒忘寢因乏貲不能購書從其從伯教諭某及所善廬陵琅琊蕭載沃者乞假手錄至數十部由是博通群籍不逮醫

小陰陽小說靡所不閱晚得性理大全近思錄知
為鄒魯宗旨遂研究其義每有意會輒箋疏不遺
初鄉有篤行君子曰陳某者先生嘗受業其門陳
見先生運甓論異之勸令入邑庠相妣固正之曰
汝旅無作業行孰為資又孰為苦壤持門戶者先
生泣下已之遂去里中嚴莊蔣氏課童子時蕭載
沃若視自豪慕柳子厚之為文不輕許可獨重先
生其族闢義塾乃禮先生為師每訓迪先孝弟容
禮然後舉業雜體文科授之故出其門者類間間

提舉亦多所成就故刑部郎周君尚化善先生一日貽書及

詔書裁抑生員私議甚可否先生極論例裁定額非尊
祖訓且太邦千百中以數盈而僅存其十一何不革之
多也小邑數十輩而不汰其一等何幸之多也不
娘因人木為去取不必衆寡格因風土為希稠不
以郡縣拘又論端本絜綱在督學憲臣務科目之
外必行薦舉有憑私者坐舉主自首杖斃振靡周
君嘆服以為確論及都御史陽明王公講學虔

意旨出入朱子以事道吉先生上書陳辭公諭待
歸相見細講先生退曰昔東漢處士多遊公鄉以
相弘重吾不為也竟不往性至孝自彭寡居竭力
奉養平時出必揖以告夕入如之晨起櫛縱伺寢
所問安否夏扇冬煖不以慚倦少憇彭末年病不
能卧起率妻更持抱之頃刻弗離側藥必親嘗乃
進溲輒視色如是者三年戊辰彭終哀毀幾絕每
忌日致祭哀號如初喪四時祇家廟獨首族人雅
慕范文正義因恨力不能舉每勗群從子弟稱引

內則少儀及孝順事實爲善陰隲二書語狠狠敷
腎腸其子弟化之無飲博忿爭者族人寓楚囊家
譖如楚編名養生鴈二以歸曰有行親迎禮者得
遍獻之衆不敢駁生平仁愛無猜先人後已有犯
之者槩茹納或延謝則驩然往雖曳止之不得人
皆目之曰劉髦先生蓋指故學士文定公父質行
悃愞與先生相埒故云居扁曰謙齋又自稱謙謙
子所著詩文肯遠詞絕書法鍾王勁逸如其人年
五十畏遠出館校之陽田至嘉靖丁亥十月某日

年五十九猝中風輿歸一夕卒鄉戚知者無不傷
悼配蔡氏宋蔡安撫之後生子二相某號晴岡仲
某文一適同邑南溪蒲胤仲孫三長直第丙辰進
士為刑部郎陞僉楚憲次某次某曾孫某某予在
朝器僉憲任刑曹挺持自樹學有本原為文詞不
襲秦漢以下語及按狀見僉憲六七歲先生挈以
教手錄國朝名臣言行錄授焉至論裁生員二書
詞嚴義正為士風立赤幟貽子帖惓惓以知行為
學務名為戒富貴利達一不置諸口則其光施於

僉憲也豈其微哉先是晴岡於歲庚寅葬先生廬
陵某都小江邊附先兆今僉憲以其年某月改厝
某里某山本晴岡著記具狀求銘予因知僉憲以
知先生乃嘆里選廢而沈行之士不列上聞於此
益有所感云銘曰學不求聞達而孝足以寧親行
不出州里而善足以成身惟天不爽其報以厚其
後人

濟江知縣一川茹君合塋墓誌銘

大尹始君者諱寧字希一號一川其先山西澤州

人戶部尚書大素公之後也尚書有子曰良甫徙
貴州生成成生繼宗繼宗生伯溫伯溫有四子曰
斌曰忠曰皓曰安皓舉正統甲子鄉試終府同知
安任山東曹縣主簿生景和任甌寧縣丞即君之
父也娶劉氏生君於官舍自幼穎敏不凡弘治甲
寅父卒于甌寧年甫十歲奉櫬還有巨人志已未
補弟子員攻苦嗜學患亢門戶會陽明先生開講
龍塲書院往從之遊於是學知所宗每試伏諸生
藩叅蜀渝江君介延為館賓里人有賄之為解其

罪者君艴然嚴詞拒之其人慚去嘉靖壬午以易
與兄夔同領雲南鄉薦癸未上春官弗第以毋老
就教補四川岳池敎諭岳父乏科目君設規條嚴
課會以是計偕有人為督學張公邦奇所挾獎乙

酉巡察檄署隣水縣事幾一載一芥不持戊子龍

山戴公金按屬重君學行直某邑缺尹疏求補君

不果畢陞馬湖府敎授至則以敎岳池者敎馬湖
矩雙截然不失尺寸代巡大梁熊君爵首列薦劄

有趨向最正之語甲午陞知蒲江縣事縣故廢弛

不振至則擇便民者次第興舉又重修鵠山書院
群士育其中至豪右盧翡翠父子武斷鄉曲又恃強
侵里社者各置以法不輒貸有勸其厚殖爲子孫
計者君謝之曰吾孚孫賢何待遺之子孫不賢何
以遺爲其人歎服不已蒲學諭其者語人曰姑尚
欲廉耶其家尚破屋數椽而已蓋誚君父官而貧
也以狷直忤當道誣其不職銓部查歷任無貶詞
覆留試用坐是北上送母歸省尋丁母憂哀幾毀
絕人稱其孝庚午正月望前一日中寒疾越十七

日終於正寢距所生成化甲辰十一月十一日寅
時壽五十七所著有一川稿四卷古今詩抄二卷
事物紀異一卷娶劉氏今光祿少卿諱秉仁之姑
也君為弟守而貧劉勤紡績佐之惟恐君廢學及
從君宦所在秉廉隅求不汚君君納李氏為側室
劉撫以恩無間言時子嘉方讀書稍有違觸君痛
斥劉復潛責之曰汝懶學致父怒其得為孝乎甚
或有小過必聞於君及君卒輒以墮先業戒子嘉
以是子嘉力學取癸卯鄉薦其教伊陽歷翰林孔

目禮部司務晉工部虞衡司員外郎得劉之教居
多予督

殷工劄于嘉禾役見日每五鼓赴工所不耽逸已心
許之及聞劉病重猶丁寧于嘉竭力圖報無幾微
姑息意可不謂賢母哉六月之六日以疾卒距所
生成化甲辰十一月十八日壽七十有八子五長
即子嘉娶陝西臨洮府楊同知之女次某某某女
一適郡庠生李達先卒孫男四長鍾雲郡庠生娶
己酉舉人蔡君某之女次鍾瀛娶即光祿君女次

鍾伊聘四川安居知縣胡君某之女次小四尚幼
女孫一許聘其曾孫一先是君以辛丑薦貴州城
南太崖之原墓尚未誌今子嘉扶劉柩南歸將啓
廣合塋介光祿君具狀求予銘予因子嘉効勞不
及見工告成而遽卒憂不勝慨惜遂據狀為銘銘
曰殖學潤身推以育士鐸振岳池厥聲四起民社
攸司貨無溢累教刑于家益徵素履天顯震會暨
其世美既失於人取償於此

雲巖李先生墓碑

雲巖李先生既卒葬四十二年矣其孫鍵任光祿寺少卿乃予門生也持伯父所具狀來誌其墓予嘗覽國朝故實見戶科給事中有李姓諱長者危言抗論百折不回心甚壯之今據狀知為光祿祖益信象賢固有自哉李先生由台徙浙之縉雲有諱德大者為元美化書院長孫諱襲生五子長諱棠歷刑部右侍郎以績叙贈襲如其官次諱檣生貢士穎穎娶鄭氏早世繼朱氏是生先生者也先生自幼嶷警有遠志弱冠補邑庠名翹然起嘗應

舉浙會城忽念父嬰末疾輒自咎曰吾何忍舍親
養掘尺管競達取乎遂不終試而歸弘治戊午領
鄉薦時牌坊價例百金徵之邑里適歲饑先生嘆
曰吾方圖出仕為國家安民生乃先困鄉人可乎
悉辭不受里長杜汪等製詞為謝有雪潔采清敦
素履之句傳誦至奉後屈春闈卒業南雍擇四方
篤學飭行士朝夕切劘所造益邃正德辛未第進
士授江西新昌尹新昌故點悍難治值寇聚華林
動天兵征勦人多難之先生得命語所知曰正吾

報効地也至則設法扼險拒守獻方畧鎮撫漸散
其黨逾年盜平迺鳩卹瘠痕罷不急賦徧知教唆
詞訟成俗不可盡繩擇孝義忠信以善行孚鄉人
者敦崇之間摘一二宿猾寘重典刻爲勸善懲惡
二圖頒示使知所倣又鼎新名宦鄉賢祠各爲詩
以寓景行之私居三年治績冠江右監司薦于
朝徵擢戶科給事中先生憂

武宗遠狩國步多艱疏請

鶴還備陳

皇儲未建國本可憂并內治不脩邊備久弛民困橫征盜漸四起等弊他如敦

聖孝活流民黜權奸糾臺臣舉劾不公諸疏俱剴切識大體會雲南黔國公沐崑結中貴構陷方岳重臣沈恩等煽威霍氏京師扼腕不平多懼禍不敢言先生獨抗疏請平施國法忤

旨逮詔獄先生入獄賦詩云巨室固知難得罪言富非是可容情鑠拖月下歸圜土猶作趨朝佩玉聲又即船板眠床石枕頭等類品為八物詠之無幾

微憚沮意義之貸謫荆福寧州大學士張公孚敬
遇臨清贈以詩有謾誇張翰興難望李膺舟之句
一時能言如方公豪等俱比之中流砥柱云至州
勤職務不忘忠愛書一聯於官廨云擡起頭不嫌
屋漏擰開眼便見光明有孝子阮貢老而貧躬禮
其廬給粟養贍以激勵風俗未幾冒瘴疾卒於官
寢正德辛巳正月二十四日距所生成化庚寅十
一月二十一日年僅五十有二先生孝友天植事
貢士府君委曲歎承求暢其情迨棄養哀毀骨立

金石錄卷之二
朱丹惲家政不便歸寧輒迎外祖孟陽公就養以順母志處前母所生姊及同母弟恩愛備至敦宗族以禮教尤惲卷纂譜牒整先墓為風化倡其在南雍同年周君正子女罹痘疫纍纍而殤其夫婦哀瘁不能起先生為醫櫛昇殯朝夕盤旋不為兒女慮少有所忌避凡故舊疾病死喪每林於懷極力營濟不以遠辭入仕二十餘年田廬仍舊撫櫬之日猶稱貸於人其清介不淄類此平生著述有閑時錄凡若干卷配鄭氏竹坡隱君女子男三鍼

娶樊氏早世瑛由選貢往至撫州通判娶麗水金
氏瑠歲貢即光祿父也封工部營繕司署員外郎
事主事娶田氏封安人女一適陳愛孫男九長婺
次鉅庠生次光祿丙辰進士次陽泰戌午鄉舉次
陽會鍊陽吉鍊俱監生銳庠生女三適某某曾孫
男某某玄孫某某某年某月某日瑛等葬先生于
某山以內兄恩南照磨鄭君鑑撰墳記後姚江大
參張君懷贊遺像稱先生治劇邑以直茂之仁侍
禁闈有汲黯之直鄉人以為實錄乎嘗謂忠直之

氣閑于世道摧折奸萌勿扶

國是有不可一日無者乃蹇譸始先生適以叢禍遠
謫海濱又奪其矣年將忠直之士亦為天所仇耶
然持義不撓能使鄉賢名宦三祠俎豆相望至慶
鍾後裔振美揚芬者目熾耳昌也較之峩冠飛纓
氣焰炳霍為世妨矣所得孰多哉感先生素履可
以激俗邁群因摭其卓卓者論次之而系以銘銘
曰羣峰聳翠有闕斯宮挺生鐵石歸藏其中壯心
許國氣貫霓虹叱咤回應嶺天蒙蒙簷官翼齋反

罹數窮生還缺望善類增恫岩石大節括蒼比崇
豐碑照揭用逖休風

贈兵部車駕司主事篁溪陳君合墓誌銘

篁溪陳君諱文濱字義伯行顯二十八福建莆田人也陳出漢太丘長後唐光化間光山公惶自固始入莆歷十餘世凡三遷至宋咸淳間善積公始小束陽入

皇明有諱道潛者以江西道監察御史事

成祖以直聲聞預脩五經性理大全書君之高祖也會

公諱公亮祖諱孟嚴有隱德父諱珩以學行任海
寧司訓娶王氏生君君秉性平恕無塵心事父母
朝夕侍奉不忍頃刻離側凡可為者輒以身代
居喪守古禮恂恂不失矩矱族屬姻舊披情素
削邊幅憚死喪孤獨輒愀然達於面目問遺不間
溫涼平居自奉甚薄服布衣啜蔬食不殄一芥故
先貲多貯聚有稱貸者輒應之無難色尤不屑
較锱銖至有忘其券者家以丁產充里役所屬諸
小戶時為官司科徵或至其家有告以不能卒辦

者廼勸諭而返旋為代輸以免逋負人或謂其不知自封殖遺子孫者若笑而謂之曰遺以金孰與遺之以德耶吾固不以彼蕩此矣居距治城甫六里峻義軫無故不輕入於郡縣有司竟不及識其面目惟課耕種克祭祀歲輸國賦恒先鄉人不煩里征性坦適遇勝日徜徉淇水篁林間朗味古詩歌於世態略焉若忘志欲亢宗不與奄然者降趨每自喟曰吾先世詩書相紹可使前聞不自我而光大之耶歲延名師課子若孫務欲潛理道為

明時用於西塾較藝期必親具酒茗饅餅詣齋次稽其進益雖風雨夜昏不為沮止嘗曰省約所以處己若降師教子為聞人何可畧也其識大義類此嘉靖歲甲申女婿方君諱一蘭官比部蒙恩得廩封父母且為大禮受

廷杖君時送文在京貽書於其子叙曰夫學也者學為忠孝也方郎仕不負君榮及於親可謂兩全汝曹讀書可徒遂章句矜荃蹄不達大倫者耶其加勉之鄉人俱服其善教乙酉叙膺鄉薦至戊戌舉

進士君不及見除官於是年八月初一日未時終于正寢詎所生成化乙未十月十七日未時享年六十有四配宋氏國子助教贈禮部主事諱汝勤仲子孔惠之女有賢德事舅姑以孝處妯娌無間言又以正勉子不續愛故公之行誼足以振倍者亦得於內助云卒於嘉靖庚子十二月十七日寅時距所生成化乙未七月十九日丑時享年六十有四甲辰叙補兵部車駕司主事踰年乙巳以廟成單恩贈君承德郎如子官宋為安人子二長即

叙官至潮州知府娶贈知州愈景勵仲子君履女
贈安人加贈恭人繼娶工部主事翁君洪女封安
人加封恭人次收邑庠生早卒女二長適禮部郎
中方君一蘭封安人次適戶部主事仙谷鄭主教

翁君洪女

子庠生箕孫男四長愚太學生娶黃驥宰容女次

志登嘉靖癸丑進士今任山東道監察御史娶邑

庠生方一梧女封孺人俱俞出三懿聘鄭太守富

翁君洪女

女四忠聘潮州盛憲副若林女俱翁出孫女五長

適林都事有恒孫庠生瑤次適張太守洽孫太學

生德基三適周廷誣瑞子庠生姜四適黃公憲子
庠生漢俱俞出五許鄭侍郎大同子光表翁出孫
男四經綿紀綰曾孫女二公子乙亥冬十二月葬
于泗州山之原宋安人於辛丑冬十二月與君合
墓山坐亥面巳仲子收祔焉至是監察君奉命按
吾江右持金華尹陳君繼芳所具狀求予誌其墓
予昔司理興化知太守君及叨詮司時太守君任
兵曹以舊治誼往來甚洽今監察君尤敦厚無間
監試京闈瀚兒又叨出門下每慕厚德世宗忠信

可質神明是必有本者令狀稱君平生恥言人過
至人有一善則輸揚不輒口而義方之訓又蟬退
名利關可爲世模益信仁者有後天道果不爽云
途按狀而誌之銘曰塵紛日降如水決防君獨抱
璞稟印彝常森然春樹憫惻派喪濟人損已以義
自將穀胎子孫格彼穹蒼魏科連撥布澤黃堂家
冠有耀再振臺綱凌霄聳壑奕葉彌昌皆茲賢淑
德原流光泗州鬱鬱百世永藏

金華堂稿卷之十四終